



# FORÇA JONË

\*\*\* Viti II • Nr. 9 • shkurt 2013 • Ministria për Forcën e Sigurisë të Republikës së Kosovës \*\*\*

Ministri i FSK-së, Agim Çeku, vizitoi SHBA-në

## Mbështetje për Kosovën në Pentagon



Ministri pritet edhe në qytetin Johnson të Ajoës

Gjatë vizitës në Shtetet e Bashkuara të Amerikës, ministri i FSK-së Agim Çeku së bashku me gjeneralmajor Rrahman Ramën dhe atasheun ushtarak të SHBA-ve, në Prishtinë, kolonelin James Kottin, më 30 janar, vizituan

Kryetarja e qytetit Johnston në shtetin e Ajoës, znj. Paula Dierenfeld dhe anëtarët e Këshillit të Qytetit e kanë prit me nderime delegacionin e Ministrisë së FSK-së në shenjë respekti ndaj Partneritetit Shtetëror në mes të Kosovës dhe Ajoës. Kryetarja Dierenfeld ka falënderuar ministrin Çeku për bashkëpunimin dhe kontributin e tij në krijimin e lidhjeve në mes të dy vendeve. Ndërsa, ministri Çeku pasi përshëndeti kryetaren dhe të pranishmit, foli për rëndësinë e Partneritetit Shtetëror, për zgjerimin e bashkëpunimit përtej atij tradicional, duke u thelluar, në: bujqësi,

Ministri i FSK-së z. Agim Çeku së bashku me komandantin e Komandës së Forcës Tokësore, gjeneralmajor Rrahman Ramën, kanë qëndruar për një vizitë zyrtare në Shtetet e Bashkuara të Amerikës, ku patën takime të shumta, në Pentagon, Uashington DC etj.

Më 29 janar, ministri Çeku u prit në Pentagon nga zëvendëshefi i Byrosë së Gardës Kombëtare; gjenerallejtënant Joseph Lengyel, gjeneralmajor Timothy Orr, z. Thomas Niblock, gjeneral brigade Daniel Lokanson dhe dr. John Finney. Po ashtu të pranishëm ishin edhe ambasadori i Kosovës në SHBA, Akan Ismaili, gjeneralmajor Rrahman Rama dhe gjeneral brigade Xhavit Gashi, atashe ushtarak.

Në takim u bisedua për bashkëpunimin e shkëlqyer në mes të Kosovës dhe Shtetit të Ajoës në Programin e Partneritetit Shtetëror (PPS), si dhe për mundësitë e thellimit të këtij bashkëpunimi. Gjithashtu delegacioni i FSK-së foli edhe për iniciativat rajonale të cilat po i ndërmerr përmes EMAC-së, Task-Forcës Rajonale për Kërkim-Shpëtim dhe për mundësitë e përfshirjes së shteteve të rajonit të cilat kanë PPS me shtetet përkatëse në SHBA.

Të dy palët shprehën gatishmërinë që bashkëpunimi të thellohet edhe në fusha tjera.

Ministri Çeku dhe delegacioni që ai kryeson, zhvilluan një takim edhe në Departamentin e Mbrojtjes në Pentagon, ku u pritën nga zëvendëssekretari i Mbrojtjes për Politika, dr. James Miller dhe zëvendës asistentja e Sekretarit të Mbrojtjes dr. Evelyn Farkas.

Ministri Çeku në këtë takim potencoi rëndësinë e të qenit

partner strategjik me SHBA-të, sidomos në fushën e mbrojtjes. Gjithashtu ai foli për procesin e Rishikimit të Sektorit Strategjik të Sigurisë (RSSS) ku ministri e informoi dr. Millerin për rrjedhën dhe hapat e mëtejshëm të bashkëpunimit në të ardhmen. Po ashtu ministri Çeku me bashkëpunëtorë, u pritën në State Departament nga zëvendës-drej-



### Më 17 shkurt parakalon FSK-ja në kryeqytet

Në pesë vjetorin e Pavarësisë së Kosovës, më 17 shkurt 2013, në kryeqytetin e Kosovës, në Prishtinë, do të parakalojnë kuadratet e FSK-së së bashku me Policinë e Kosovës dhe Agjencinë për Emergjencë.

FSK-ja do të parakalojë me gjashtë kuadrate, Policia e Kosovës me katër kuadrate dhe Agjencia për Emergjencë me një kuadrat. Përveç ushtarëve, nënoficerëve dhe oficerëve që do të jenë pjesë e paradës, kjo është hera e parë, që FSK-ja do të parakalojë edhe me automjetet të rënda që disponon.

tori i Zyrës për Çështje Evropiane David Burgeri dhe Mark Flemingi, nga Këshilli Kombëtar i Sigurisë. Gjatë këtij takimi u bisedua për arritjet e FSK-së, për procesin e RSSS-së, për proceset nëpër të cilat po kalon FSK-ja si dhe për të ardhmen e saj. Nga ana e State Departmentit u riafirmua mbështetja dhe të dy palët u pajtuan që procesi i rishikimit të RSSS të vazhdojë me koordinim të ngushtë me SHBA-të, të cilat e kanë dhe rolin udhëheqës në këtë proces.

shëndetësi, arsim, kulturë etj.

Në fund të takimit kryetarja e Johnstonit, znj. Paula Dierenfeld i dhuroi ministrin Çeku, Proklamatinë e shkruar, si dhuratë për 5-vjetorin e Pavarësisë së Kosovës, si shenjë respekti dhe nderi nga qyteti i saj Johnston. Ajo tha: "Ne kemi shumë të përbashkëta me njerëzit e Kosovës. Ata i duan familjet, arsimi është i rëndësishëm për ta, ekonomia e tyre bazohet në bujqësi, janë punëtorë dhe mbi të gjitha janë njerëz të ngrohtë dhe miqësorë, ashtu sikurse ne në Ajova."

## Senati i Ajoës e shpalli Agim Çekun "Qytetar Nderi"

Ministri i FSK-së Agim Çeku, gjatë qëndrimit në Shtetet e Bashkuara të Amerikës ka zhvilluar takime të shumta me personalitetet më të larta të SHBA-s, në Pentagon dhe në Shtetin e Ajoës. Dhoma e Përfaqësuesve dhe Senati i Shtetit të Ajoës, kanë organizuar pritje për Ministrin Çeku dhe gjeneral Rrahman Ramën. Ministri i FSK-së, Agim Çeku mbajti një fjalë në Senat,

ku foli për Partneritetin Shtetëror me Gardën Kombëtare të Ajoës. Ai, pasi falënderoi Shtetet e Bashkuara të Amerikës për ndihmën dhënë Kosovës, tha: "Unë do të doja të shfrytëzoja këtë mundësi dhe e ritheksoj që ne e vlerësojmë shumë mbështetjen që Shtetet e Bashkuara i kanë dhënë dhe vazhdojnë t'i japin për Kosovën. Kjo nuk është e pazakontë për njerëzit e Kosovës që valëvitin flamurin amerikan për të shprehur mirënjohjen e tyre dhe mirënjohja për të gjithë mbështetjen që Shtetet e Bashkuara të Amerikës kanë dhënë për ta.

Programi i Partneritetit Shtetëror është një partneritet i vërtetë, një vepër e aftësisë gjeniale, dhe ne jemi shumë të kënaqur, që ta kemi Ajovën, si partnerin tonë

shtetëror.

Programi i Partneritetit Shtetëror me Gardën Kombëtare të Ajoës ka qenë shumë i dobishëm për Forcën e Sigurisë së Kosovës, meqenëse po i ndihmon për të ndërtuar kapacitetet e nevojshme dhe të bëhet një forcë profesionale, e aftë dhe e dislokueshme, duke u shërbyer të gjithë qytetarëve të saj dhe duke kontribuar në sigurinë rajonale dhe globale.

Partneriteti është një marrëdhënie, dy mënyra. Ashtu si partnerët tuaj, unë dua të ju bëj me dije se në qoftë se Shtetet e Bashkuara dislokun (pozicionon) Gardën Kombëtare të Ajoës për operacionet jashtë shtetit, kjo është dëshira e Forcës së Sigurisë së Kosovës për tu bashkuar me ju, në mënyrë që të qëndrojnë krah për krah me partnerët tanë. Ky është vullneti ynë i fortë për t'i ndihmuar dhe mbështetur nëse ata kanë nevojë dhe ta bëjmë këtë botë, më të mirë".

Në fund, senatori Darryl Beal e lexoi Proklamacionin e Senatit të Ajoës, me rastin e shpalljes së ministrit të FSK-së, Agim Çekut qytetar nderi, me motivacionin, për kontributin e tij në forcimin e lidhjeve në mes të Kosovës dhe Ajoës.



## Ministri i FSK-së priti shefin e Zyrës së Bashkimit Evropian në Kosovë

Ministri i Forcës së Sigurisë së Kosovës, Agim Çeku, priti në një takim shefin e Zyrës së Bashkimit Evropian (BE) në Kosovë, z. Samuel Zhbogar. Në takim mori pjesë edhe shefi i Ekipit Këshillues të NATO-s (NAT) për FSK-në, z. Kevin Linç.

Ministri Çeku e informoi përfaqësuesin e Bashkimit Evropian z. Zhbogar, mbi zhvillimet në MFSK dhe FSK, për të arriturat, sfidat si edhe angazhimet rreth realizimit të synimeve dhe objektivave të Ministrisë dhe Forcës së Sigurisë së Kosovës në të mirë të zhvillimeve në vend, rajon e më gjerë. Po ashtu, ministri Çeku e njoftoi shefin e BE-së për Kosovë për angazhimin e MFSK-së dhe të FSK-së për bashkëpunim me NATO-n, si edhe strukturat e Sigurisë së



Bashkimit Evropian. Gjithashtu ministri Çeku shprehu gatishmërinë për pjesëmarrje në misionet paqeruajtëse të sigurisë së Bashkimit Evropian. Ndërsa shefi i Zyrës së BE-së në Kosovë, Samuel Zhbogar u

interesua gjerësisht mbi të arriturat dhe planet e ministrit për të ardhmen e MFSK-së dhe FSK-së. Ai njëherësh premtoi angazhimin dhe mbështetjen e tij në iniciativa e Bashkimit Evropian.

## Çeku takoi ambasadorin e Francës dhe të Anglisë

Ministri i Forcës së Sigurisë së Kosovës (FSK-së), Agim Çeku, priti në MFSK në një vizitë zyrtare ambasadorin e Francës në Kosovë Maryse Daviet.

Në këtë takim u bisedua për marrëdhëniet dypalëshe në mes Kosovës dhe Francës, si dhe për zhvillimin e Forcës së Sigurisë së Kosovës, me theks të veçantë u bisedua për ecurinë e procesit të Rishikimit të Sektorit Strategjik të Sigurisë (RSSS), si dhe për mbështetjen dhe kontributin që mund të ofrojë Franca në këtë proces.

Kjo është vizita e parë zyrtare, në Ministrinë për Forcën e Sigurisë së Kosovës, e ambasadores franceze që kur ajo është emëruar ambasadore në Kosovë.

Ministri i Forcës së Sigurisë së Kosovës (FSK-së), Agim Çeku, i shoqëruar edhe nga shefi i Ekipit Këshillues të NATO-s në MFSK zoti Kevin Linç (Kevin Linch), priti



në ambientet e MFSK-së për vizitë ambasadorin e Anglisë zotin Jan Klif (Ian Cliff).

Në takimin e zhvilluar në mes të ministrit Çeku dhe ambasadorit Klif u diskutua për ecurinë e procesit të Rishikimit të Sektorit Strategjik të Sigurisë (RSSS), si dhe për mbështetjen dhe kontributin që Britania e Madhe mund të japë në zhvillimin e këtij procesi.

Ambasadori Klif ndër të tjera e informoi ministrin Çeku edhe për të arriturat e dy oficerëve të FSK-së; nëntoger Mimoza Budeci dhe nëntoger Manushaqe Nura, të cilat gjenden në Akademinë Ushtarake të Mbretërisë së Bashkuar në Sandhurst. Ai me këtë rast informoi ministrin Çeku se këto dy oficerë janë ndër studentet më të suksesshme të kësaj akademie dhe njëra ndër to është shpallur studentja më e mirë.

Ambasadori Klif e ftoi ministrin Çeku, që me 9 gusht, të jetë prezent në ceremoninë e diplomimit të këtyre kadetëve të Akademisë Ushtarake në Sandhurst, me ç'rast ministri do të zhvillojë edhe takime dypalëshe me autoritetet e larta të Britanisë së Madhe.

Shkollim njëvjeçar në Akademinë Ushtarake është realizuar me ftesë formale nga Qeveria e Britanisë së Bashkuar, dhe ljo ka qenë hera e parë që Kosova ka dërguar dy kadetë-femra në Akademinë Ushtarake në Sandhurst.



## Zëvendësministri Shemsi Veseli priti kryetarin e AAK-së, Ramush Haradinajn

Zëvendësministri i FSK-së, Shemsi Veseli dhe komandanti i FSK-së, gjeneraljtënant Kadri Kastrati pritën për vizitë në MFSK, kryetarin e Aleancës për Ardhmërinë e Kosovës, zotëri Ramush Haradinajn me bashkëpunëtorë. Në takim morën pjesë edhe zëvendësministri Bejtush Gashi dhe gjeneralmajor Zymer Halimi.

Zëvendësministri Veseli pasi i uroi mirëseardhje zotit Haradinajn, e njoftoi edhe me të arriturat e përgjithshme të FSK-së, kapacitetet aktuale dhe me objektivat e saj në zhvillim.

Ndërsa komandanti i FSK-së gjeneraljtënant Kadri Kastrati, e njoftoi kryetarin e AAK-së për zhvillimin e FSK-së, plotësimin e

kapaciteteve operacionale, formimin e Task Forcës për Rishikimin e Sektorit Strategjik të Sigurisë së Kosovës (RSSSK), pastaj për pjesëmarrjen në Nismat Regjionale A-5, për bashkëpunimin ndërkombëtar, për partneritetin me SHBA-t etj.

Kryetari i AAK-së Ramush Haradinaj përgëzoi stafin e MFSK-së dhe FSK-së për të arriturat e deritashme dhe për ndryshimet pozitive, të cilat sipas tij janë mjaft inkurajuese. Ai ndër të tjera e vlerësoi FSK-në si një tregim suksesi. Po ashtu kryetari Haradinaj e vlerësoi lartë punën dhe dinamikën që po ndjek FSK-ja në zhvillimin e vet për tu bërë forcë profesionale dhe e aftë edhe për misione jashtë vendit.



## Ambasadori i Shqipërisë në NATO, Artur Kuko, vizitoi FSK-në

Zëvendësministri i FSK-së Shemsi Veseli së bashku me Bejtush Gashin, zv. ministër, komandantin e Forcës së Sigurisë së Kosovës (FSK) gjeneraljtënant Kadri Kastrati dhe shefi i Sektorit për Bashkëpunim Ndërkombëtar nënkolonel Hasan Hoxha dhe, kanë pritë, në ambientet e Ministrisë, ambasadorin e Shqipërisë në NAT, z. Artur Kuko i cili shoqërohej nga Spiro Koci ambasador në OSBE, Islam Lauka ambasador në Kosovë dhe Ilir Melo drejtor i Përgjithshëm.

Në takim u diskutua për të arriturat e FSK-së, perspektiven e përfshirjes së saj në operacionet

paqeruajtëse në fushat ku FSK ka arritur Kapacitetet e Plota Operacionale dhe ka dëshmuar profesionalizëm të lartë. Me theks të veçantë u diskutua për zhvillimin e bashkëpunimit me NATO-n dhe për pjesëmarrje në nismat regjionale të sigurisë. Po ashtu u bisedua për zhvillimin e procesit të Rishikimit të Sektorit Strategjik të Sigurisë së Kosovës (RSSSK), ku parashihet edhe struktura e ardhshme e FSK-së. Diplomatat nga Shqipëria vlerësuan lartë arritjet e FSK-së dhe prematuan angazhimin në prezantimin e sukseseve të FSK-së tek vendet anëtare të Aleancës Veri-Atlantike.



## Gjeneralletjënant Kadri Kastrati takohet me komandantin e Ushtrisë së SHBA-së për Evropë



Komandanti i FSK-së, gjeneralletjënant Kadri Kastrati, i shoqëruar nga gjeneral brigade Bashkim Jashari, gjeneral brigade Zymer Halimi dhe major Fadil Hoxha, ka pritur në takim komandantin e Ushtrisë Amerikane për Evropë (USAREUR), gjeneralletjënant Donald M. Campbell, i shoqëruar nga oficerë të lartë si dhe nënkolonel Emily Thomas - atashe ushtarak në Ambasadën amerikane në Prishtinë.

Komandant Kastrati ka njoftuar kolegun nga Ushtria e SHBA-ve me zhvillimet në MFSK dhe FSK, duke shpjeguar misionin dhe strukturën e FSK-së, arritjet e deritashme, sfidat, objektivat për vitin 2013 dhe pajisjet dhe nevojat e FSK-së për zhvillim të mëtejshëm.

Me këtë rast komandanti Kastrati falënderoi Ushtrinë e SHBA-ve për ndihmën që po u jep, si në fushën e trajnimeve ashtu edhe të donacioneve, stafit të oficerëve që janë në FSK



dhe në Ekipin Këshillues të NATO-s. Ai vlerësoi lart bashkëpunimin e mirë me atasheun ushtarak në Ambasadën e SHBA-ve në Prishtinë. Me theks të veçantë komandant Kastrati foli për bashkëpunimin e mirë dhe intensiv me Gardën Kombëtare të Ajovës, për këmbimin e delegacioneve, si dhe për mbështetjen në fushën e trajnimeve me interes për FSK-në. Po ashtu, ai foli edhe mbi rëndësinë e Rishikimit të Sektorit Strategjik

të Sigurisë në Kosovë gjatë këtij viti ku do të përcaktohet edhe struktura e ardhshme e FSK-së. Komandanti i Ushtrisë së SHBA-ve për Evropë, gjeneralletjënant Donald M. Campbell, duke shprehur kënaqësinë për arritjet e FSK-së dhe shkallën e profesionalizmit që ka arritur, me nivelin e mirë të bashkëpunimit mes ushtrisë së SHBA-ve dhe FSK-së, u zotua që ky bashkëpunim të jetë edhe më intensiv në fushat që janë me prioritet për FSK-në.

## Një delegacion i lartë i Ushtrisë së Turqisë qëndroi për vizitë pune në FSK

Komandanti i FSK-së gjeneralletjënant Kadri Kastrati i shoqëruar nga zëvendësministri i FSK-së Bejtush Gashi, gjeneral brigade Zymer Halimi, kolonel Ilir Qeriqi dhe major Fadil Hoxha, priti në një vizitë pune një delegacion të ushtarakëve të lartë nga Turqia. Delegacionin turk e kryesonte anëtari i Shtabit të Përgjithshëm të Ushtrisë së Turqisë, gjeneralletjënant Metin IYIDIL, i shoqëruar nga Komandanti i Xhandarmërisë Ibrahim AYDIN, kolonel Aygun Eker komandant i kontingjentit turk të KFOR-it dhe ushtarakë të tjerë. Zëvendësministri Bejtush Gashi, në fillim, falënderoi ministrin e Mbrojtjes së Turqisë dhe shtetin e Turqisë për bashkëpunimin

dhe përkrahjen që po jep në ngritjen, trajnimin dhe donacionet e çmuara për FSK-në, në kuadër të bashkëpunimit të gjerë mes dy ministrive dhe dy shteteve mike.

Komandanti i FSK-së gjeneralletjënant Kadri Kastrati i njoftoi gjeneralët nga Turqia me zhvillimet aktuale në FSK, me objektivat e arritura për vitin 2012 dhe me sfidat që e presin FSK-në në vitin 2013. Me theks të veçantë ai foli për Rishikimin e Sektorit Strategjik të Sigurisë dhe diskutimet që po zhvillon Qeveria e Kosovës në bashkëpunim me NATO-n dhe me partnerët tjerë strategjik për strukturën e ardhme të FSK-së. Po ashtu gjeneral Kastrati falënderoi kolegët



nga Turqia për ndihmën e madhe që po jep ushtria turke në kuadër të zhvillimit të bashkëpunimit

intensiv, sidomos në fushën e trajnimeve dhe donacioneve që po i jep shteti turk për ngritjen

dhe profesionalizimin e FSK-së. Në takim u shqyrtuan edhe mundësitë e thellimit të këtij bashkëpunimi në fushat me interes dhe me prioritet të FSK-së. Gjenerali nga Turqia, Metin IYIDIL duke shprehur falënderimet për mikpritjen dhe duke përgëzuar FSK-në për shkallën e arritjeve të deritashme, shprehu gatishmërinë e Ushtrisë së Turqisë që edhe në të ardhmen të përkrah FSK-në në fushat me përparësi dhe interes. Bashkëpunim ky i bazuar në marrëveshjen e nënshkruar në mes të Ministrisë së Mbrojtjes së Turqisë dhe Ministrisë së FSK-së, si dhe marrëdhënieve shumë të mira që ekzistojnë në mes të dy vendeve.

## Komandanti i FSK-së, pjesëmarrës në ceremoninë e Ushtrisë amerikane për Evropë

Komandanti i Forcës së Sigurisë së Kosovës, gjeneralletjënant Kadri Kastrati, me ftesë të Ushtrisë Amerikane për Evropë mori pjesë në ceremoninë e ndërrimit të komandës së kësaj ushtrie, e cila u mbajt në Wiesbaden të Gjermanisë. Komandanti i ri në detyrë i Ushtrisë së SHBA-ve në Evropë, gjeneral Donald M. Campbell priti në takim komandantin e FSK-së, gjeneral Kadri Kastratin. Në takimin e të dy gjeneralëve u bisedua për mundësitë dhe mënyrat e bashkëpunimit në fusha të cak-

tuara në mes të USAREUR-t dhe Forcës së Sigurisë së Kosovës.

Në ceremoninë e ndërrimit të komandës morën pjesë KOMFSK, gjeneralletjënant Kadri Kastrati i shoqëruar nga toger Fatmir Demiri, si dhe komandantët e Forcave Tokësore të Shqipërisë, Bullgarisë, Lituaniës, Polonisë dhe Rumanisë, po ashtu edhe shumë personalitete të shquara të jetës politike dhe ushtarake në Evropë, përfshirë edhe admiralin James Stavridis, komandant i Forcave të SHBA-ve për Evropë.

## Gjeneralletjënant Kadri Kastrati dhe gjenerali amerikan Michael Bills biseduan për zhvillimet në FSK

Komandanti i Forcës së Sigurisë së Kosovës, gjeneralletjënant Kadri Kastrati, në ambientet e Ministrisë për FSK-në priti në vizitë zyrtare një delegacion oficerësh të lartë të Ushtrisë Amerikane për Evropë të prirë nga gjenerali i G-3 Michael Bills (US Army Europe). Me këtë rast komandanti i FSK-së, gjeneral Kastrati, e njoftoi gjeneralin Bills për zhvillimet dhe të arriturat e FSK-së, si dhe për bashkëpunimin dypalësh në mes të SHBA-ve dhe Kosovës. Ndërsa, gjenerali amerikan, Michael Bills e njoftoi komandantin e FSK-së për të arriturat



e Ushtrisë Amerikane në Evropë dhe për bashkëpunimin e mëtejshëm me Forcën e Sigurisë së Kosovës.

## FSK-ja mban ligjërata për vetëdijesimin e nxënësve nga rreziku i minave

Forca e Sigurisë së Kosovës e filloi sezonin dimëror me mbajtjen e ligjëratave për vetëdijesimin e nxënësve për rrezikun nga minat dhe mjetet tjera të pashpërthyer, nëpër shkollat fillore në territorin e Kosovës. Ligjëratat po mbahen nga instruktorët e FSK-së.

Rreshter major Isa Palushi përgjegjës i këtyre instruktorëve tha: "Janë 12 instruktorë të FSK-së, të cilët janë trajnuar dhe licencuar për mbajtjen e ligjëratave. Ata janë të përgatitur

dhe këtë punë po e bëjnë më shumë përkushtim dhe përgjegjësi. Në agjendën e ditës së sotme, 23 janar 2013, ligjëratat u zhvilluan në shkollën e Harilaqit dhe të Sllatinës, ku pjesëmarrës ishin të gjithë nxënësit e cikleve të ulëta të këtyre shkollave. Ata janë shumë të interesuar për rritjen e njohurive për sa i përket mjeteve të pashpërthyer dhe çdo herë e më shumë po tregojnë interesim për zgjerimin e njohurive rreth tyre". Ndërkaq Hamit Sopjani,

përgjegjësi i shkollës fillore "Bajram Curri" shprehu mirënjohjen e tij për kontributin që po ofron FSK-ja për ndërgjegjësimin e nxënësve me anën e këtyre ligjëratave, ai njëherësh i cilësoi ligjëratat më të vlefshme se çdo gjë tjetër, sepse përmes tyre tha ai fëmijët tanë po mësojnë se çka konkretisht janë mjetet e rrezikshme dhe se si ata në të ardhmen me njohuritë e fituara në këto ligjëratat mund të kontribuojnë që të shpëtojnë një jetë. Instruktorët e FSK-së përmes shenjave të rrezikut dhe fotografive të mjeteve të pashpërthyer po ua sqarojnë fëmijëve në përpikëri rrezikun që ju kanoset çdo ditë.

Dren Berisha nxënës i klasës së VIII, tha se FSK-ja u ofrojë atyre shumë informacione që nuk i kishin ditur më parë "Nga këto ligjëratat ne mësuam më hollësisht se sa të rrezikshme janë këto mjete, si duhet të jemi të kujdesshëm në raport me to dhe si të sillemi në rast kur i hasim ato".

Po aq e entuziazmuar për mësimet që i kishte marrë nga ky



ligjërim ishte edhe nxënësja e klasës së VII Albiona Kolshi, e cila më shumë emocion tregoi edhe historinë e një djaloshi të ri i cili si pasojë e shkeljes në mjete të pashpërthyer kishte humbur jetën. Andaj thotë ajo këto njohuri që ne morëm sigurisht do të na ndihmojnë shumë që të mos përsëritën më këso histori të dhimbshme.

Ligjërimi i instruktorëve të FSK-së për vetëdijesimin nga minat ka filluar më 21 janar dhe do të përfundojë më 21 shkurt 2013. Kjo

fushatë vetëdijesimi bëhet në bashkëpunim të MFSK -së, MASHT-it dhe Drejtorive Komunale të Arsimit.

Që nga paslufta e fundit në Kosovë 115 persona kanë humbur jetën si pasojë e shkeljes në mjetet e pashpërthyer; 452 persona janë lënduar; janë gjetur 1300 mjete të pashpërthyer; FSK-ja ka pastruar sipërfaqen prej 160 mijë metër katror, 54 fusha janë ende të rrezikshme, prej tyre 41 me bomba kasete dhe 13 fusha të minuara.



## Konferencë rajonale 'Zhvillimi i nënoficerëve dhe bashkëpunimi ndërajonal'

Me organizim të Forcës së Sigurisë së Kosovës, nga data 14-16 janar, në Prishtinë, zhvilloi punimet Konferenca rajonale e nënoficerëve të ushtrive të vendeve të rajonit me temë "Zhvillimi i nënoficerëve dhe bashkëpunimi ndërkombëtar".

Në konferencë morën pjesë nënoficerë të ushtrive të vendeve të rajonit dhe nënoficerë të Komandës Amerikane për Evropë, si edhe të Ushtrisë gjermane.

Në hapjen e punimeve të konferencës një fjalë rasti e mbajti komandanti i FSK-së, gjeneraljtënant Kadri Kastrati, i cili u shpreh se ndjehet tejet i lumtur që FSK-ja ka arritur këtë nivel që të bashkojë nënoficerët e shumicës së ushtrive të vendeve të rajonit. Gjeneral Kastrati, gjithashtu, konfirmoi mbështetjen e plotë të tij në zhvillimin dhe profesionalizimin e Trupës së nënoficerëve. Komandanti Kastrati theksoi edhe rëndësinë e bashkëpunimit të nënoficerëve të ushtrive të vendeve të rajonit, si edhe mbështetjen që kjo kategori po merr nga Komanda e Ushtrisë Amerikane për Evropë (EUCOM). Rreshter majori i parë i Komandës së Forcave Tokësore Fetah Zejnullahu, në emër të organizatorit u shpreh i lumtur

me gatishmërinë e ushtrive të rajonit për të marrë pjesë dhe për t'i kontribuar planifikimit për zhvillimin e Strategjisë së Zhvillimit të Nënoficerëve.

Ndër ligjëruesit e parë ishte rreshter majori i parë i Komandës Amerikane për Evropë, Roy Maddocks i cili prezantoi temën "Strategjia për sigurinë aktive-qasje regionale". Në konferencë ishin të pranishëm nënoficerë nga Komanda e Ushtrisë Amerikane për Evropë, nënoficer të ushtrive të rajonit si nga: Mali i Zi, Kroacia, Sllovenia, Shqipëria dhe Republika e Maqedonisë.

Në mbyllje të punimeve të konferencës së nënoficerëve morën pjesë edhe ministri i FSK-së Agim Çeku dhe komandanti i Komandës së Forcave Tokësore gjeneralmajor Rrahman Rama, të cilët në fund të punimeve të konferencës ndanë certifikata për pjesëmarrësit.

Qëllimi i kësaj konference ishte shkëmbimi i përvojave dhe praktikave të FSK-së me ushtritë e rajonit, si dhe mënyra e zbatimit të tyre në ushtritë përkatëse. Në prezantimet e të gjitha vendeve edukimi dhe trajnimi i pjesëtarëve si dhe puna e tyre me trupat ishte prioritet i ligjërimeve dhe angazhimeve në formë debati gjatë punimeve të konferencës. Nënoficerët e FSK-së së bashku



me ata të rajonit vizituan edhe njësinë e Komandës së Doktrinës dhe Stërvitjes (KDS), në Ferizaj, ku patën mundësi të shohin punën e kësaj komande si dhe të njohtoheshin me trajnimet që zhvillohen atje, duke filluar nga trajnimi bazik e deri tek trajnimet e specializuara.

Komandanti i Komandës së Forcave Tokësore (KFT), gjeneralmajor Rrahman Rama, u

shpreh i kënaqur me rezultatet e konferencës si dhe i falënderoi ata për pjesëmarrje, duke shprehur gatishmërinë edhe për bashkëpunime tjera të ndërsjella në mes të FSK-së dhe ushtrive tjera.

Pjesëmarrësit e kësaj konference u shprehën të nderuar dhe shumë optimist për të arriturat e FSK-së, si dhe për vullnetin dhe gatishmërinë e kësaj Force për të

punuar akoma më shumë.

Konferenca rajonale e nënoficerëve e organizuar nga Forca e Sigurisë së Kosovës është e para e këtij lloji, në nivel të tillë, në rajon.

Takime, trajnime dhe operacione të përbashkëta planifikohen të zhvillohen edhe në të ardhmen në vendet e rajonit, gjithmonë në kuadër të planeve dypalëshe të bashkëpunimit.

## Zyra për Komunitete dhe Barazi Gjinore prezantoi dokumentin 'Përmirësimi i bilancit gjinor dhe i komuniteteve'

Zyra për Komunitete dhe Barazi Gjinore në kuadër të Ministrisë për Forcën e Sigurisë së Kosovës (MFSK), më 16 janar 2013, në Komandën e Forcave Tokësore (KFT) prezantoi dokumentin për Përmirësimin e bilancit gjinor dhe të komuniteteve.

Qëllimi i këtij prezantimi ishte "Praktikat më të mira dhe sugjerimet për integrimin e femrave dhe komuniteteve në Ministrinë për Forcën e Sigurisë së Kosovës dhe Forcën e Sigurisë së Kosovës".

Hapjen e këtij takimi e bëri ministri i FSK-së Agim Çeku, i cili para të pranishmeve përmendi të arriturat e MFSK-së dhe FSK-së në angazhimin për integrimin e femrave dhe rolin e tyre në FSK, si dhe integrimi i komuniteteve në këtë Forcë. Ministri Çeku, po ashtu, përmendi edhe ndërtimin e strukturave organizative në MFSK duke iu referuar Zyrës për Komunitete, Njësisë për të Drejtat e Njeriut dhe Zyrës për Barazi Gjinore.

"FSK-ja është një institucion i disiplinuar, profesional dhe i respektuar nga të gjithë qytetarët e Kosovës. Krenohemi që në vitin 2012 FSK-ja u shpall institucioni më i besueshëm në Kosovë, dhe është nderë dhe obligim që qytetarët e Kosovës na shohin si institucion model në vend" tha ministri i FSK-së Agim Çeku.

Ministri Çeku përmendi edhe disa nga të arriturat e femrave ushtarake dhe civile në FSK. Gjithashtu, ai përmendi pjesë-



marrjen e dy oficerëve të reja të FSK-së, të cilat po vazhdojnë shkollimin për kadet në Britani të Madhe, nëntoger Mimoza Budeci që është shpall kadeti më e suksesshme në shkollë dhe Manushaqe Nura që gjendet e dyta në listë.

Shefja e Zyrës për Çështje të Komuniteteve në MFSK dhe udhëheqja e Grupit për të Drejtat e Njeriut dhe Barazisë Gjinore Azemina Çullum, ofrojë të dhëna të sakta lidhur me praktikën e nxjerra gjatë punës me grupin punues në MFSK dhe FSK. Ajo tha se nuk është në pyetje vetëm rritja e përqindjes së femrave në

këtë institucion, por edhe rritja e balancimit gjinor në të gjitha aspektet vendimmarrëse duke filluar nga edukimi, ngritja në karrierë etj, duke i përfshirë edhe komunitete dhe integrimin e tyre në këto struktura vendimmarrëse. "Për të ardhmen është shumë e rëndësishme që të thellohet bashkëpunimi në mes të FSK-së dhe shoqërisë civile" tha Azemina.

Para të pranishmëve foli përfaqësuesja e UN WOMEN Flora Macula, e cila tha se FSK-ja ka bërë punë të shkëlqyeshme në inkuadrimitin e femrave në këtë institucion dhe asnjëherë nuk ka

munguar mbështetja e Ministrisë në këtë drejtim. Ndërsa, udhëheqja e Rrjetit të grave, Igballe Rugova vlerësoi bashkëpunimin në mes të shoqërisë civile dhe FSK-së, duke shtuar se në bazë të këtij bashkëpunimi dhe mundësive për shkëmbim të ideve tona tregojnë që Ministria e FSK-së është e gatshme për zbatimin e konventave ndërkombëtare.

Në hartimin e dokumentit për Përmirësimin e bilancit gjinor dhe të komuniteteve, përveç MFSK-së dhe FSK-së kontributojnë ekipi i NATO-s, përfaqësues nga Policia e Kosovës, Agjencia për Barazi Gjinore në

Zyrën e Kryeministrit, UN WOMEN dhe Rrjeti për Zbatimin e Politikës për të Drejtat e Njeriut dhe Barazi Gjinore në MFSK.

Pjesëmarrës në këtë organizim ishin ministri i FSK-së Agim Çeku, zëvendësministri Bejtush Gashi dhe Sllavisha Filipoviqi, komandanti i FSK-së gjeneraljtënant Kadri Kastrati, komandanti i KFT-së gjeneralmajor Rrahman Rama, atashu ushtarak James Skotti, Igballe Rugova-përfaqësuese nga Rrjeti i grave, Flora Macula-përfaqësuese e UN WOMEN, përfaqësues tjerë të shoqërisë civile si dhe ushtarak të NATO-s në Kosovë.



### Komandanti i FSK-së Kadri Kastrati nderoi heroin e kombit Zahir Pajazitin

Komandanti i Forcës së Sigurisë së Kosovës, gjeneraljtënant Kadri Kastrati me rastin e 16 -vjetorit të rënies heroike të heroit të kombit Zahir Pajaziti bëri homazhe pranë shtatores së tij. Së bashku me komandantin bënë homazhe edhe dy zëvendësministri e FSK-së Shemi Veseli dhe Bejtush Gashi, si dhe oficerë të lartë të Ministrisë për Forcën e Sigurisë së Kosovës (MFSK-së) dhe Forcës së Sigurisë së Kosovës.

Intervistë me këshilltarin e NAT-it, nënkolonel Stefan Ceder

## BCU-ja e gatshme për ta kryer misionin e vet edhe në operacione



Si këshilltar i Ekipit të NATO-s, gjithmonë kam qenë në dispozicion për të diskutuar dhe këshilluar për interesa më të mira për Ministrinë dhe FSK-në. Çështjet kryesore për një këshilltar janë: qeverisja, transparenca, mbikëqyrja demokratike dhe civile.

Gjatë kohës sime, këtu në Ministrinë e FSK-së, kam qenë këshilltar i Zyrës për Çështje të Komuniteteve, për Njësinë e të Drejtave të Njeriut dhe për Departamentin e BCU-së, kam këshilluar tema të ndryshme dhe shumë të rëndësishme që kanë qenë të lidhura drejtpërdrejt me këto departamente. Në Departamentin e BCU-së, kam ndihmuar me këshilla e mia në standardizimin e dokumenteve të BCU-së, siç janë: Politika e BCU-së, Doktrina e BCU-s,

Manuali ( TTP-i) të gjitha me standarde të NATO-s, përgatitja e prezantimit të projekteve përmes hartave etj. Gjatë kësaj kohe sa kam qenë këshilltar në BCU, kam mbështet kryesisht realizimin e projekteve të vogla të BCU-së, në mënyrë që të ngrisim imazhin e FSK-së për të gjithë qytetarët e Kosovë, kam ndihmuar në qasjen profesionale gjatë intervenimit në fatkeqësinë natyrore në Restelicë, në përpilimin e kërkesave standarde, gjithashtu kam ndihmuar grupet punuese të BCU-së në organizimin e takimit tremujor të BCU-së.

Jam shumë i kënaqur sidomos me angazhimin profesional të drejtuesve të BCU-së dhe pjesëtarëve të FSK, në Restelicë, Junik, Zhilivodë dhe në shumë projekte tjera.

Të gjitha këto veprime janë kryer në bazë të një bashkërendimi të ngushtë në mes Departamentit të BCU-së në Ministrinë e FSK-së dhe Departamentit të BCU-s në Komandën e Forcave Tokësore.

Gjithmonë jam munduar t'i shfrytëzojë përvojat e mia, gjatë misionit tim në MFSK, dhe për këtë jam shumë i kënaqur me punën dhe profesionalizimin e të gjithë pjesëtarëve që punojnë këtu sipas këtyre përvojave.

Themelimi i një rrjeti produktiv është një nga faktorët e rëndësishëm për të pasur suksese, në punën e BCU-së, dhe nganjëherë një kafe ose edhe një raki së bashku me një të qeshur, janë derë e hapur e bashkëpunimit dhe realizimit të synimeve të BCU-së.

Këtu në Kosovë keni përdorur BCU-në si një fjalë për të mbulu-

ar të gjitha aspektet e bashkëpunimit civil-ushtarak, por në NATO është përdorur vetëm në operacione. Emërimi im formal ka qenë këshilltar për Marrëdhëniet Civile-Ushtarake dhe arsyeja për këtë është pikërisht që kam provuar për të mbuluar jo vetëm bashkëpunimin civil-ushtarak, por edhe asistencën humanitare në mbështetje të shoqërisë së Kosovës dhe planifikimin e emergjencave civile.

Jam shumë i kënaqur me frytet e arritura në përparimin e marrëdhënieve civile-ushtarake si në Departamentin BCU-së në MFSK, ashtu edhe në Komandën e Forcave Tokësore.

Përdorimi i standardeve të NATO-s, i standardeve të OKB-s dhe të BE-s, janë shumë të rëndësishme për BCU-në, për rritjen e ndërveprimit dhe profe-

sionalizmit në të ardhmen.

Sigurisht që ka shumë më shumë për t'u bërë, por ju duhet ta mbani mend se MFSK-ja dhe FSK-ja është vetëm katër (4) vjeçare; "një fëmijë shumë aktiv me shumë energji që ka nevojë për t'u këshilluar në mënyrë që të jetë krenar, përgjegjës, i respektueshëm dhe plotë nderim në Evropë!"

Unë kam ndjenja të përziera tani, kur unë jam duke e lënë MFSK-në. Kam bërë shumë miq të mirë këtu në Kosovë dhe veçanërisht në Ministri dhe do të më mungoni të gjithë. Por, sigurisht jam shumë i lumtur që do të kthehem tek familja ime në Suedi.

Në fund, ndjehuni krenar për gjithë punën e mirë që keni bërë në Ministri. Respektoni njëri-tjetrin, pa marrë parasysh kombësinë apo gjininë.

Gjithë të mirat për Kosovën!



## Përfundoi trajnimi njëjavor me temë "Prokurimi dhe kontraktimi"

Me organizim të Zyrës së Bashkëpunimit të Mbrojtjes, në Ambasadën Amerikane u mbajt trajnimi njëjavor prej 14-18 janar 2013, me temë "Prokurimi dhe Kontraktimi", në hotel "Emerald", në Prishtinë me instruktorë nga Shkolla e Studimeve Pasuniversitare e Marinës së

SHBA-ve në Monterey.

Objektivi i këtij trajnimi ishte kuptimi i parimeve themelore kontraktuese dhe përdorimi i tyre në fushën e prokurimit kompleks dhe jo kompleks. Theksi ka qenë i vendosur në sfidat lidhur me aktivitete kombëtare dhe ato globale të prokurimit. Kursi ka pasur për qëllim

zhvillimin, zbatimin dhe monitorimin e politikave të prokurimit, zhvillimin e kërkesave, dokumenteve specifike teknike, të kushteve për oferta një dhe shumë burimore, si dhe monitorimin e kontratave.

Në ditën e fundit të këtij trajnimi ishte prezent edhe sekretari i

përgjithshëm i Ministrisë për Forcën e Sigurisë së Kosovës, Shkëlzen Syla së bashku me atasheun e Mbrojtjes kolonelin James Kotti, të cilët bënë shpërndarjen e certifikatave për pjesëmarrësit e trajnimit. Me këtë rast sekretari Syla falënderoi Ambasadën amerikane për bashkëpunim.

Pjesëmarrës të trajnimit përveç përfaqësuesve të Ministrisë për Forcën e Sigurisë së Kosovës dhe FSK-së ishin edhe përfaqësues nga Ministria e Punëve të Brendshme, Ministria e Punëve të Jashtme, Ministria e Financave, Doganat, Policia e Kosovës, Agjencia Kundër Korrupsionit etj.

Intervistë me ushtarin e komunitetit boshnjak Edin Skoković të BRSH-së, në Mitrovicë

## “Marrëdhëniet në mes të komuniteteve janë të shkëlqyeshme”

Gjatë vizitës që i bëmë Batalionit të Tretë të BRSH-së në Mitrovicë, na thanë se njëri nga ata që dallohet me punën dhe aktivitetin e tij është edhe Edin Skoković me përkatësi boshnjake. Ne shfrytëzuam rastin dhe bëmë një bisedë me ushtarin Skoković, ku u njoftuam me të arriturat dhe punën që ai kryen në këtë Batalion. Edin Skoković, vepron në Kompaninë A3, në Batalionin e Tretë të Brigadës për Reagim të Shpejtë të FSK-së në Mitrovicë. Ai ka kryer shkollën fillore dhe të mesëm në Mitrovicë, ndërsa tani i vazhdon studimet në vitin e dytë në Fakultetin e Gjeologjisë. Në Forcën e Sigurisë së Kosovës është pranuar në

Gjeneratën e Parë, gjatë vitit 2010, dhe kryen detyrat e ushtarit. Edini ka kryer trajnime të shumta në FSK-së, si në Komandën e Doktrinës dhe Stërvitjes në Ferizaj, ku me angazhimin e tij është dalluar për të arriturat e tij në përvetësimin e mësimave profesionale. "Unë me përkatësi jam boshnjak, por këtu nuk ka dallime, marrëdhëniet në mes të gjithë pjesëtarëve të komuniteteve që punojnë këtu janë të shkëlqyeshme. Të gjithë veprojnë së bashku dhe pa dallim feje, race dhe komuniteti.

Asnjëherë nuk kam pasur probleme të kësaj natyre dhe për këtë jam shumë i kënaqur dhe i falë-

deroj të gjithë që më kanë pritur mirë dhe më kanë ndihmuar sa herë që kam pasur nevojë. Kushtet këtu janë shumë të mira dhe të volitshme për punë, për trajnime dhe për aktivitete të tjera. Momentalisht jemi duke zhvilluar trajnime të reja, të cilat i kemi ushtruar praktikisht në ambientet e kazermës sonë. Ushtrimet e këtij lloji, zakonisht, i kryejmë me instruktorët tanë dhe të KFOR-it turk."

Në fund, Edin Skoković u shpreh më se i lumtur se marrëdhëniet në mes të komuniteteve që veprojnë janë shembull i mirë dhe se FSK-ja po ecën me hapa të sigurt drejt profesionalizmit të saj.



Kapiten Muzafer Selimi (oficer), pjesëtar i Forcës së Sigurisë së Kosovës

## “Motivi dhe sukcesi, pjesëtarët e kompanisë sime”

Kapiten Muzafer Selimi nga Vernica e Mitrovicës është baba i tre fëmijëve (dy djem dhe një vajzë), është oficer në Forcën e Sigurisë së Kosovës, më konkretisht komandant i Kompanisë A3 në Batalionin e Tretë, në Brigadën e Reagimit të Shpejtë në Mitrovicë. Është përgjegjës i angazhimit taktik, trajnimit, administrimit, menaxhimit të personelit, mirëmbajtjes dhe mbrojtjes së forcës dhe logjistikës së kompanisë si dhe detyrave shtesë që i caktohen nga komandanti i batalionit. Ai është komandant i 99 pjesëtarëve të FSK-së të cilët sipas tij janë një motiv i mirë për punë dhe suksese të vazhdueshme të kompanisë së tij. Fillimisht ai ka qenë oficer për Operacione dhe Plane në Qendrën Operative të këtij batalioni, kurse pas sukseseve të treguara në këtë sektor ai ngritët në detyrë dhe emërohet komandant kompanie. Kapiten Selimi ka



qenë edhe pjesëtar i Ushtrisë Çlirimtare të Kosovës dhe për të ajo periudhë është më e rëndësishmja në jetën e tij prej ushtaraku. "Gjatë viteve 98-99 kam qenë ushtar i Njësisë Speciale të UÇK-së në Zonën Operative të Shalës dhe për mua kjo kohë ka qenë dhe mbetet

kujtim që nuk do të shlyhet kurrë" tha Selimi. Përveç periudhës së luftës sfidë tjetër për kapiten Selimin ishte edhe transformimi i pjesëtarëve në Forcën e Sigurisë së Kosovës ku shumë nga bashkëluftëtarët kishin mbetur jashtë kësaj force. Arsyen pse kishte vendosur

të bënte jetën e një ushtaraku kapiten Selimi e tregon me krenari "Dëshira e madhe ndaj atdheut për çlirimin e vendit për të cilin shumë bashkëluftëtar, vëllezër e motra dhanë më të shtrenjtën e tyre, kjo ka qenë dhe vazhdon të jetë motivacioni im. Gjaku i tyre është vullnet dhe forcë që edhe sot më shumë përgjegjësi ta kryej punën e oficerit të Forcës së Sigurisë së Kosovës (FSK). Edhe po t'i ofrohej ndonjë mundësi tjetër Muzafer Selimi asnjëherë nuk do ta ndërroje profesionin e tij." Për asnjë arsye nuk do ta ndërroja profesionin tim prej ushtaraku, sepse ka 14 vite që unë e bartë këtë uniformë që më është bërë pjesë e përditshmërisë sime, dhe vetëm si oficer i forcës unë mund t'i kontribuoj vendit duke realizuar misionin që kërkohet nga ne" u shpreh Kapiten Selimi. Relacionet e tij me pjesëtarët e Kompanisë A3 të Batalionit të Tretë janë jashtëzakonisht të

mira. Ky sukses është arritur fal punës së palodhshme dhe respektimit të zinxhirit komandues që vepron në këtë kompani. "Marrëdhëniet në mes të stafit komandues dhe pjesëtarëve të kompanisë sonë janë shuam të mira duke u bazuar në punën dhe profesionalizmin që këta pjesëtarë e tregojnë çdo ditë. Çelës i suksesit të kompanisë sonë është përgatitja profesionale, fizike dhe psikike e pjesëtarëve të kompanisë, si dhe disiplina dhe dukja e tyre personale. Përveç si komandant kompanie ai ka kryer edhe shumë trajnime si: "Trajnimin për oficer", "Kursin themelor të oficerit shtabor", në Akademinë Ushtarake në Tiranë, trajnim me KFOR-in amerikan "Kursi i udhëheqësit (lidërshipit) për njësi të vogla, trajnime në Çeki, si dhe trajnime të ndryshme brenda njësisë. Po ashtu ai është në përfundim të Fakultetit Juridik.

Rreshter Rifadije Ramadani (nënoficer), pjesëtare e Forcës së Sigurisë së Kosovës

## “Jam me fat që jam pjesë e ushtrisë së ardhshme të Kosovës”

Rreshter Rifadije Ramadani është infermiere në Ekipin e Mjekësisë, në Batalionin e Tretë, në Brigadën e Reagimit të Shpejtë, në Mitrovicë. Para se të flas për punën që e bën aktualisht, Rifadija kujton kohën e luftës, atëherë kur ishte nxënëse e shkollës së mesme dhe kishte vendosur t'i bashkëhojë Ushtrisë Çlirimtare të Kosovës (UÇK) si infermiere, në Zonën e Parë në Spitalin e Likovcit të Komunës së Skenderajt. "E kam parë të nevojshme që me profesionin tim prej infermiereje t'i kontribuoi aq sa kam mundësi bashkëluftëtarëve dhe popullit tim" tha Ramadani. Ajo po ashtu ishte pjesë edhe e Trupave Mbrojtëse të Kosovës në po të njëjtën detyrë. Për Rifadijen kalimi nga TMK-ja në FSK ishte mjaft sfidues, për faktin që shumica e bashkëluftëtarëve të

saj nuk kishin arritur që të bëheshin pjesë e Forcës së Sigurisë së Kosovës (FSK) dhe kjo për të padyshim që ishte një goditje. Rreshter Ramadani e cilëson veten si vajzë me fat që i takon edhe FSK-së. "Kam nderin që kam qenë pjesë e luftës dhe që vazhdoj ta mbaj uniformën e FSK-së dhe të jem vazhdimësi e gjeneratave të cilat dhanë shumë për këtë ditë në të cilën jetojmë sot, si dhe për këtë uniformë që në të ardhmen do të jetë simbol i ushtrisë dhe krenarisë së Kosovës" shtoi Rifadije Ramadani. Për rreshteren e FSK-së detyra e saj është gjithmonë sfiduese sepse çdo herë ka të bëjë me shëndetin e pjesëtarëve të FSK-së, por ajo më shumë emocion kujton kohën kur këtë detyrë e bënte gjatë luftës së viteve 98 dhe 99."

Detyrën që më është caktuar e bëj me shumë dëshirë dhe përgjegjësi, por në krahasim me periudhën e UÇK-së tashmë puna është shumë më e lehtë dhe më e përballeshme. Atëherë sigurisht që na mungonin kushtet për punë, por vullneti dhe dëshira për t'i ndihmuar bashkëluftëtarët tanë të cilët edhe pse vinin me gjymtyrë të humbura për asnjë moment nuk e ndalnin këngën e cila u jepte atyre dhe neve forcë për të vazhduar tutje". Me këtë kujtim përfundon bisedën e saj pjesëtarja e Batalionit të Tretë të Brigadës për Reagim të Shpejtë në Mitrovicë. Rifadija ka përfunduar disa trajnime profesionale dhe të specializuara si: "Trajnime të ndihmës së parë", "Kursi për kompjuter", "Kursi për gjuhë angleze", "Qitje me armë" etj. Ajo ka të kryer



shkollën e mesme të mjekësisë dhe tani është në përfundim të Shkencave Politike dhe

Administratë Publike, në Fakultetin Filozofik të Universitetit të Prishtinës.

## Major Claire WOHLSCHAK: Përfitojnë të gjithë pjesëtarët e FSK-së

Si pjesë e projektit për bashkëpunim të shtuar ndërmjet KFOR-it dhe FSK-së, këshilltari për Çështje Gjinore i KFOR-it ofron trajnime për FSK-në, si ta integrojmë perspektivën gjinore në operacione. Programi u prezantua në Ministrinë e FSK-së në fillim të vitit 2012. Pastaj filloi trajnimi me departamentet relevante të Ministrisë, si Departamenti i BCU-së, etj. Në shkurt të vitit 2012 Shtabit të NATO-s në Sarajevë iu bashkua Këshilltari për Çështje Gjinore, me paraqitjen e një seminari mbi ndikimin operacional të gjinisë tek shefat e departamenteve të tjera në MFSK, si dhe përfaqësuesit e Komandës së Forcës Tokësore. Hapi tjetër ishte të informojë Komandën e Forcës Tokësore mbi ndikimin operacional të gjinisë dhe të paraqes apo ta bëj të njohur një rrugë ose mënyrë që në të ardhmen të zbatohet mëtejshëm

në njësitë vartëse. Tani pothuajse të gjitha kuadrat e FSK-së, më shumë se 300 pjesëtarë, kanë marrë pjesë në një paraqitje të shkurtër për çështje gjinore. Këshilltari për Çështje Gjinore është përgjegjës për pjesët operative të organizatës, për të mbështetur operacionin, mbledhjen dhe shpërndarjen e informacionit, rritjen e efektivitetit operacional dhe ndërgjegjësimin për situatën. Është e rëndësishme që të nxjerrim në pah ndikimin operacional të gjinisë dhe të shpjegojmë se si një perspektivë gjinore mund të kontribuojë për FSK-në me shembuj dhe skenarë. Këshilltari për Çështje Gjinore dha shembuj se si mund të zbatohet koncepti gjinor. Por, pse është e nevojshme që të përdorim perspektivën gjinore? Në përputhje me misionin e FSK-së, për të përfaqësuar dhe për t'i shërbyer (jo për t' i mbrojtur)

gjithë popullit të Kosovës, është e rëndësishme për t' i dëgjuar dhe për t'iu përgjigjur si burrave ashtu edhe grave. Duke marrë parasysh perspektivat e ndryshme ofrohet përgjigje më e plotë që siguron se burimet janë përdorur në mënyrë efikase për të ndihmuar gjithë popullsinë. Por, çfarë do të thotë të ketë një perspektivë gjinore? Të ketë një perspektivë gjinore është që të jetë në gjendje për të zbuluar nëse burrat dhe gratë (të vjetër-të rinjë, që jetojnë në qytete apo jetojnë në fshat, të edukuar lart apo të arsimuar ulët, ...) si pasojë e gjinisë së tyre preken në forma të ndryshme nga një operacion. Kjo nuk ka të bëjë me pjesëtarët e FSK-së. Kjo ka të bëjë me popullsinë e Kosovës dhe është shumë e rëndësishme. Jo të gjitha operacionet kanë dimension gjinor të tyre, por problemi është që të identifikohet nëse ka një dimen-

sion të tillë. Ndonjëherë identifikimi është i vështirë, mirëpo trajnimi dhe praktika jep frytet e saj. Me fjalë të tjera që të ketë një perspektivë gjinore do të thotë të shqyrtohet çdo çështje apo problem nga pikëpamja e burrave dhe grave për të identifikuar dallimet në nevojat dhe prioritetet e tyre. Pra, zbatimi i një perspektive gjinore rrit vetëdijen për situatën dhe të çon në vendime më efektive. Përveç rritjes së ndërgjegjësimit për situatën, një perspektivë gjinore rrit efektivitetin dhe është një shumëzues apo koeficient i forcës. Përfitimet e saj gjithashtu përfshijnë edhe mbledhjen e informatave dhe mbrojtjen e forcës. Koncepti gjinor, është miratuar në nivel strategjik. Tani është koha për ta bërë atë funksional, pastaj përmes trajnimit të brendshëm të FSK-së, ajo mund të zbatohet në nivelin taktik. Rruga për ecje përpara është vazhdimi i

trajnimit të mëtejshëm për organizimin e FSK-së dhe për të identifikuar liderët në fushën e gjinisë, që do të shërbejnë në rolin e këshilluesit për komandantët dhe kuadrat kryesore të personelit apo stafit. Kjo nuk është në të vërtetë një detyrë shtesë. Kjo është vetëm një mënyrë tjetër për të bërë atë që ju tashmë jeni duke e bërë. Ky program ka marrë miratimin e komandantit dhe plani ka qenë i rafinuar dhe i bazuar në udhëzimin e Komandës. Këshilltari për Çështje Gjinore ka informuar personelin si dhe komandat vartëse. Pjesa më e rëndësishme e programit është që të ofrojë një pasqyrë të qartë të përfitimeve për përdorimin apo qëllimin e perspektivave të ndryshme (të shumëlojshme/ diverse).

*Major Claire WOHLSCHAK  
Këshilltar për Çështje Gjinore i  
Komandantit të KFOR-it*

## Certifikohen 27 oficerë të FSK-së për logjistikë

Në kazermën "Adem Jashari" të Komandës së Forcave Tokësore të FSK-së, për një javë rresht është mbajtur trajnimi për logjistikë. Qëllimi i këtij trajnimi ka qenë familjarizimi me konceptet e reja, doktrinat dhe zhvillimin e logjistikës. Trajnimi është mbajtur nga instruktorët e Ushtrisë së Turqisë, enkas, për pjesëtarët e FSK-së. Këtë trajnim e kanë ndjekur 27 pjesëtarë të FSK-së, të përfaqësuar nga të gjitha njësitet e saj. Në ceremoninë përmbyllëse të trajnimit, morën pjesë gjeneral brigade Zymer Halimi dhe Gëzim Hazrolli, kolonel Skënder Hoxha dhe shefi i mentoruesve të Ushtrisë së Turqisë, kolonel Omer Faruk Bashturk. Me këtë rast, gjeneral brigade Zymer Halimi i ka falënderuar instruktorët nga Turqia për kontributin që janë duke dhënë në ngritjen e kapaciteteve profesionale për FSK-në, jo vetëm në logjistikë, por edhe në të gjitha fushat e mundshme. Gjeneral Halimi, nga oficerët e FSK-së, kërkoi që njohuritë e fituara nga ky trajnim t'i bartin me sukses në njësitet e tyre, ku ata veprojnë. Në emër të komandantit të FSK-së gjenerallejtënant Kadri Kastarati dhe komandantit të Forcave Tokësore gjeneralmajor Rraman Ramës instruktorët e Ushtrisë turke i ka përshëndetur gjeneral brigade Gëzim Hazrolli, zëvendës komandant i KFT-së. Ai njëherësh ka falënderuar instruktorët për ndihmën e



pakursyer që po japin në trajnimin e oficerëve të FSK-së. Koloneli Omer Faruk Bashturk, ka shprehur kënaqësi të veçantë që ka pasur mundësi të punoi me pjesëtarët e FSK-së. "Ndiheh i nderuar që kam pasur mundësi që dijen time ta përcjellë të pjesë-

tarët e FSK-së", duke shtuar se i njëjti trajnim mbahet edhe në Turqi. Të gjithë instruktorët e Turqisë kanë një përvojë jashtëzakonisht të madhe. Ky shkëmbim i përvojave me FSK-në, për ne, do të thotë shumë, andaj kërkoi zbatimin e tyre në

njësitet e FSK-së. Në fund, gjeneral Zymer Halimi drejtor i Drejtorisë për Operacione në MFSK, në emër të komandantit të FSK-së gjenerallejtënant Kadri Kastarati iu dha certifikata oficerëve të cilët ndoqën këtë trajnim dhe instruk-

torëve të Ushtrisë së Turqisë; nënkolonelit Hunkar Toyoglu dhe majorëve; Bahtiyar Eren, Latif Oygur, Hakan Buke, si dhe një medalje për Qendrën e Partneritet për Paqe të Turqisë nga e cila qendër vijnë edhe këta instruktorë.